



অবিলম্বে প্রকাশের উদ্দেশ্যে: 10/5/2023

গভর্নর ক্যাথি হোকল

গভর্নর হোকল এই অক্টোবরে NYS সরকারি ও বেসরকারি কলেজের আবেদন ফি মওকুফ করার ঘোষণা করলেন

প্রথমবারের মতো, SUNY, CUNY, এবং আরো 40টির বেশি বেসরকারি কলেজ এবং ইউনিভার্সিটি কলেজ আবেদনের মাস চলাকালে আবেদন ফি মওকুফ করার জন্য একত্রিত হচ্ছে

অংশগ্রহণকারী ক্যাম্পাসের সম্পূর্ণ তালিকা এবং ফি মওকুফের তথ্য [এখানে](#) পাওয়া যাবে; শিক্ষার্থীদের আবেদন করতে উৎসাহিত করা যাচ্ছে

গভর্নর ক্যাথি হোকল আজকে ঘোষণা করেছেন যে নিউ ইয়র্ক স্টেট ইউনিভার্সিটি (State University of New York, SUNY) এবং নিউ ইয়র্ক সিটি ইউনিভার্সিটি (City University of New York, CUNY), নিউ ইয়র্ক স্টেটের 40টি বেসরকারি কলেজ এবং ইউনিভার্সিটি পুরো অক্টোবর মাসজুড়ে হাই স্কুল সিনিয়রদের জন্য বিনামূল্যে আবেদন করার সুযোগ প্রদান করবে। প্রথমবারের মতো নিউ ইয়র্ক স্টেট কলেজ আবেদন মাস (New York State College Application Month) চলাকালে আবেদন করা শিক্ষার্থীদের জন্য আবেদন ফি মওকুফ করতে SUNY, CUNY, এবং নিউ ইয়র্কের বেসরকারি প্রতিষ্ঠানগুলি একত্রিত হবে।

"শিক্ষা আমাদের সমাজের মেরুদণ্ড, এবং উচ্চতর শিক্ষার প্রতি প্রত্যেক শিক্ষার্থীর যাত্রা সমর্থন করার সুযোগ প্রদান করতে আমি প্রতিশ্রুতিবদ্ধ," **গভর্নর হোকল বলেন।** "নিউ ইয়র্ক স্টেটে আমরা কলেজ আবেদন মাস উদযাপন করছি, তাই আমি আনন্দিত যে SUNY, CUNY, এবং নিউ ইয়র্কের একাধিক বেসরকারি প্রতিষ্ঠান আবেদন ফি মওকুফ করবে। আর্থিক প্রতিবন্ধকতা অপসারণ করা হলে তা এমন শিক্ষার্থীদের সুযোগ প্রদান করবে যারা আর্থিক সীমাবদ্ধতার কারণে আবেদন পূরণ করে তাদের শিক্ষা যাত্রার প্রথম ধাপ গ্রহণ করার কথা বিবেচনা করতে পারছে না। এই মাসে কমপক্ষে একটি কলেজে আবেদন করে এই নজিরবিহীন উদ্যোগের সুবিধা গ্রহণ করার জন্য স্টেটের সকল সিনিয়রকে আমি তাগিদ দিচ্ছি।"

কলেজ আবেদন মাসের সমর্থনে, 16 অক্টোবর থেকে শুরু করে 29 অক্টোবর পর্যন্ত দুই সপ্তাহ SUNY এর 64টি কলেজ ও ইউনিভার্সিটির প্রত্যেকটিতে আবেদন ফি মওকুফ করবে এবং নিউ ইয়র্ক সিটির সরকারি স্কুলের হাই স্কুল সিনিয়রদের জন্য CUNY এর 25টি ক্যাম্পাসে পুরো মাস এবং ফ্রেশম্যান হিসেবে আবেদন করা সকল নিউ ইয়র্ক স্টেটের বাসিন্দার জন্য 16 থেকে 31 অক্টোবরের মধ্যে আবেদন ফি মওকুফ করবে। এছাড়াও CUNY তাদের সাতটি কমিউনিটি

কলেজের প্রত্যেকটিতে হাই স্কুল ডিপ্লোমাধারী সকলের জন্য ভর্তি নিশ্চিত করেছে। এই মাসে বেসরকারি প্রতিষ্ঠানের ফি মওকুফ অংশগ্রহণকারী প্রতিষ্ঠানভেদে ভিন্ন হবে।

অংশগ্রহণকারী কলেজ ও ইউনিভার্সিটির সম্পূর্ণ তালিকা, এবং ফি কখন মওকুফ করা হবে, এবং প্রতিটি স্কুলে কীভাবে আবেদন করতে হবে সেই সম্পর্কে তথ্য [এখানে](#) পাওয়া যাবে।

শিক্ষার্থীদের নিউ ইয়র্ক স্টেটের আর্থিক সহায়তা সম্পর্কে আরো জানতে উৎসাহিত করার জন্য, তাদের কলেজ বিকল্প সম্পর্কে শিক্ষার্থীদের অবগত করার জন্য, এবং তাদের আবেদনপত্র পূরণ করতে সহায়তা করার জন্য নিউ ইয়র্ক স্টেট উচ্চতর শিক্ষা সেবা কর্পোরেশন (New York State Higher Education Services Corporation, HESC), SUNY, এবং CUNY পুরো মাসজুড়ে ভার্সুয়াল ও সশরীরে উপস্থিত থাকার ইভেন্ট আয়োজন করবে। HESC আয়োজিত 70টির বেশি আর্থিক সহায়তা ইভেন্টের তালিকার জন্য, [এখানে](#) ক্লিক করুন। SUNY সেশন [এখানে](#) পাওয়া যাবে এবং CUNY আয়োজিত 100টির বেশি ইভেন্টের একটি তালিকা [এখানে](#) পাওয়া যাবে।

নিউ ইয়র্ক স্টেট কলেজ আবেদন মাস উদ্যোগটি হাই স্কুল সিনিয়রদের দ্রুত কলেজের জন্য আবেদন করতে উৎসাহিত করে, এর উদ্দেশ্য মূলত নিম্ন আয়ের পরিবার, প্রথম প্রজন্মের শিক্ষার্থী, এবং এমন শিক্ষার্থী যারা হয়তো অন্যথায় কলেজের জন্য আবেদন করতে না।

পুরো নিউ ইয়র্ক স্টেটে উচ্চতর শিক্ষার ব্যাপক সুযোগ সম্পর্কে সচেতনতা বৃদ্ধি করতে এবং উচ্চতর শিক্ষা অর্জন করতে ইচ্ছুক শিক্ষার্থীদের সমর্থন করতে গভর্নর অক্টোবরকে নিউ ইয়র্ক স্টেটে কলেজ আবেদন মাস হিসেবে ঘোষণা করেন। ইন্তেহারটি [এখানে](#) পাওয়া যাবে।

নিউ ইয়র্ক স্টেট শিক্ষা বিভাগ, SUNY, CUNY, স্বাধীন কলেজ ও ইউনিভার্সিটি কমিশন (Commission on Independent Colleges and Universities, CICU), NYC শিক্ষা বিভাগ, এবং পুরো স্টেটের সম্প্রদায় সংগঠনের অংশীদারিত্বে নিউ ইয়র্ক স্টেট উচ্চতর শিক্ষা সেবা কর্পোরেশন, দশম বছরে থাকা, নিউ ইয়র্ক স্টেট কলেজ আবেদন মাসের সমন্বয় করেছে, যা জাতীয় আমেরিকান কলেজ আবেদন ক্যাম্পেইনের (American College Application Campaign) অংশ। পুরো নিউ ইয়র্ক স্টেটের 600 এর বেশি হাই স্কুল এই বছরের উদ্যোগে অংশগ্রহণ করার জন্য নিবন্ধন করেছে।

নিউ ইয়র্ক স্টেট উচ্চতর সেবা কর্পোরেশনের প্রেসিডেন্ট ডাঃ গিলিয়ামো লিনারেস বলেন, "আমরা কলেজ আবেদন মাস শুরু করতে যাচ্ছি, তাই আমাদের মনে করিয়ে দেওয়া হচ্ছে যে উচ্চতর শিক্ষা হলো সাফল্যের একটি অতি গুরুত্বপূর্ণ পথ, এবং আমাদেরকে অবশ্যই এমন সকল প্রতিবন্ধকতা অপসারণ করতে হবে যা শিক্ষার্থীদের স্বপ্ন অর্জনের পথে রয়েছে। আবেদন ফি মওকুফ করা হলে তা আর্থিক প্রতিবন্ধকতা অপসারণের একটি জরুরি হাতিয়ার প্রদান করে এবং প্রত্যেক যোগ্য শিক্ষার্থী যাতে উচ্চতর শিক্ষার মাধ্যমে তাদের সম্ভাবনা বাস্তব করতে পারে তা নিশ্চিত করে। অক্টোবরকে নিউ ইয়র্ক স্টেটে কলেজ আবেদন মাস হিসেবে ঘোষণা করার জন্য এবং আরো নিউ ইয়র্কবাসীর নাগালের মধ্যে উচ্চতর শিক্ষার সম্ভাব্য সুযোগ উন্মোচন করার জন্য গভর্নর হোকলকে ধন্যবাদ।"

SUNY চ্যান্সেলর জন বি. কিং জুনিয়র বলেন, "প্রত্যেক নিউ ইয়র্কবাসীর জন্য SUNY তে স্থান রয়েছে, এবং কলেজ আবেদন মাস হলো প্রত্যেক হাই স্কুল সিনিয়রকে নিজের স্থান খুঁজে নিতে সাহায্য করার ক্ষেত্রে SUNY এর জন্য একটি সুযোগ। সরকারি উচ্চতর শিক্ষার গুরুত্ব তুলে ধরার জন্য এবং শিক্ষার্থীদের জন্য কলেজে আবেদন করা সহজতর করার জন্য গভর্নর হোকলকে ধন্যবাদ। SUNY এর 64টি ক্যাম্পাসে সম্ভাব্য শিক্ষার্থীদের স্বাগত জানাতে এবং তাদের শিক্ষা যাত্রা তাদের কোথায় নিয়ে যেতে পারে তা তাদের দেখাতে আমরা অধীরে আগ্রহে অপেক্ষা করছি।"

CUNY চ্যান্সেলর ফেলিক্স ভি. ম্যাটোস রড্রিগেজ বলেন, "কলেজ আবেদন মাসের জন্য পুরো নিউ ইয়র্ক স্টেটের উচ্চতর শিক্ষা প্রতিষ্ঠানগুলির সাথে জোটবদ্ধ হতে পেরে এবং অক্টোবর মাসে কয়েক হাজার সম্ভাব্য শিক্ষার্থীর জন্য CUNY আবেদন ফি মওকুফ করতে পেরে আমরা অতি আনন্দিত। এই উদ্যোগ সমর্থন করার জন্য আমরা গভর্নর হোকল এবং আমাদের সরকারের অংশীদারদের ধন্যবাদ জানাচ্ছি, এটি আবেদনের প্রক্রিয়া সরলতর করবে, যেই শিক্ষার্থীরা কলেজকে নিজেদের জন্য একটি সুযোগ হিসেবে গণ্য করে না তাদের জন্য সমর্থন বৃদ্ধি করবে এবং উচ্চতর শিক্ষায় সমতার শূন্যস্থান পূরণ করতে সাহায্য করবে।"

নিউ ইয়র্ক স্টেট শিক্ষা কমিশনার বেটি এ রোজা বলেন, "বহু নিউ ইয়র্কবাসী, বিশেষ করে নিম্ন আয়ের ব্যাকগ্রাউন্ড থেকে যারা এসেছে, তাদের জন্য কলেজ আবেদন ফি একটি উল্লেখজনক আর্থিক প্রতিবন্ধকতা হতে পারে যা অন্যথায় যোগ্য শিক্ষার্থীদেরকে উচ্চতর শিক্ষা প্রতিষ্ঠানে আবেদন করতে বাধা দেয়। এই মাসে আমাদের স্টেটের বহু সরকারি ও বেসরকারি কলেজ ও ইউনিভার্সিটিতে আবেদন করা শিক্ষার্থীদের আবেদন ফি মওকুফ করার প্রয়াসে নেতৃত্বদানের জন্য রিজেন্ট বোর্ড এবং বিভাগের পক্ষ থেকে আমি গভর্নর হোকলকে ধন্যবাদ জানাতে চাই। এটি এই ক্ষেত্রে সমতা নিয়ে আসে, নিশ্চিত করে যাতে ইচ্ছুক সকল শিক্ষার্থী তাদের একাডেমিক লক্ষ্য অর্জন করার অ্যাক্সেস ও সমান সুযোগ পায়।"

নিউ ইয়র্ক সিটি সরকারি স্কুলের (New York City Public Schools) চ্যান্সেলর ডেভিড সি ব্যাঙ্কস বলেন, "নিউ ইয়র্ক স্টেটজুড়ে কলেজগুলির সাথে আমরা একটি রূপান্তরমূলক যাত্রা শুরু করতে যাচ্ছি যা নিশ্চিত করবে যে আমাদের NYC সরকারি স্কুলের প্রত্যেক সিনিয়র উচ্চতর শিক্ষা এবং ভালো বেতনের ক্যারিয়ারের একটি স্পষ্ট পথ দেখতে পারে। এই উদ্যোগটি এই বার্তাকে পাকাপোক্ত করেছে যে কলেজ শিক্ষা শুধু একটি স্বপ্ন নয়, এটি সকলের নাগালের মধ্যে একটি বাস্তবতা। SUNY, CUNY, এবং বিভিন্ন বেসরকারি প্রতিষ্ঠানের মধ্যকার এই অংশীদারিত্ব নিয়ে আমি অত্যন্ত আনন্দিত, যা এই সবকিছু সম্ভব করেছে, এবং আমাদের তরুণদের জন্য দুয়ার উন্মোচন করে দিবে। এতে আমরা আমাদের তরুণদের জন্য উজ্জ্বলতর একটি ভবিষ্যৎ তৈরি করছি এবং তাদের অনেককে নিজেদের সম্ভাবনা বাস্তবায়ন করা থেকে প্রতিরোধ করেছে এমন প্রতিবন্ধকতা ভেঙ্গে ফেলেছি।"

স্বাধীন কলেজ ও ইউনিভার্সিটি কমিশনের প্রেসিডেন্ট লোলা ডব্লিউ. ব্রাবহ্যাম বলেন, "কলেজের জন্য আবেদন করা শিক্ষার্থী, বিশেষ করে গতানুগতিকভাবে স্বল্প প্রতিনিধিত্বের গোষ্ঠীর প্রথম প্রজন্মের শিক্ষার্থীদের সংখ্যা বৃদ্ধি করতে নিউ ইয়র্কের স্বাধীন খাতের পক্ষে কলেজ আবেদন মাসকে সমর্থন করতে পেরে, CICI গর্বিত। নিউ ইয়র্কের স্বাধীন কলেজ ও

ইউনিভার্সিটি অ্যাক্সেস ও সুযোগ প্রদানে প্রতিশ্রুতিবদ্ধ আছে যা নিশ্চিত করবে যাতে সকল শিক্ষার্থী উচ্চতর শিক্ষার রূপান্তরমূলক প্রভাব দ্বারা লাভবান হতে পারে।"

নিউ ইয়র্কের কলেজ আবেদন মাস হলো জাতীয় আমেরিকান কলেজ আবেদন ক্যাম্পেইনের অংশ, যার স্পন্সর করেছে ACT এর শিক্ষায় সমতার কেন্দ্র। 2005 সালে নর্থ ক্যারোলাইনার একটি একক হাই স্কুলে পাইলট হিসেবে প্রথম কলেজ আবেদন দিবস শুরু হয়। এরপর কর্মসূচিটি বিকশিত হয়ে 50টি স্টেটের প্রত্যেকটি এবং কলাম্বিয়া জেলাকে অন্তর্ভুক্ত করেছে, এবং 2022 সাল পর্যন্ত, 4.2 মিলিয়ন শিক্ষার্থীকে 7.3 মিলিয়নের বেশি আবেদন করতে সাহায্য করেছে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)